

28650

卷二〇三 有字
卷二〇四 有字
卷二〇五 友字
卷二〇六 友字

永樂大典

百二十三



7
72
00
E.12

永樂大典卷之一萬二千十三

子有

有

無所有菩薩經

隋天竺三藏闍那多等譯 如是我聞

比丘衆滿足百千人俱。復有百千諸菩薩衆。及比丘尼諸優婆塞。及優婆夷。天龍夜叉乾闥婆。緊那羅摩睺羅伽。迦樓羅等。復有欲界諸天子。色界淨居諸天子等。圍遶在前。而爲說法。爾時衆中有一菩薩。名無所有。在波會坐。然彼衆中。有諸菩薩。心懷疑惑。悔作惡者。住顛倒者。有業障者。有法障者。及諸衆生。爲障所障。不能問佛。然彼欲爲彼等衆生。淨業障。故欲問世尊。觀此諸衆。多有菩薩。欲悔先惡。而心憊惱。不能聽法。復見菩薩。心不悔惱。能一心聽。觀彼心行。多有苦惱。多有憂患。多有穢雜。多生老死憂患。苦惱。多惡憎會。多愛別離。當欲成就阿耨多羅三藐三菩提。而如是等無量纏縛。云何當於阿僧祇劫。行菩薩行。以自有縛。云何當能解衆生縛。爾時無所有菩薩。如是念已。即自思惟。若世尊教。聽我請問。爲於此衆一切。

衆生作惡疑悔。今遠離故。爾時世尊知無所有菩薩摩訶薩。并及彼等諸菩薩衆。心所念已。告無所有菩薩摩訶薩。言。汝無所有。我亦不爲諸菩薩說。有染有著。有縛有繫。有犯犯處。所以者何。一切著處。一切染處。一切縛處。一切障處。一切犯處。欲令超越。遠離諸相。行不和合。諸法不雜。不可得。故證阿耨多羅三藐三菩提。如是一切諸法。不縛諸法。不染諸法。不著。不繫。不障。不犯。不得是故。當成一切。狸智。善男子。有一切智。發心之處。不得衆生。於彼處中。無法可縛。可染。可著。可繫。可障。可犯。可得。可知。處所。汝無所有。汝應當爲諸菩薩。問如諸菩薩摩訶薩等。不倦不汗。無著無縛。無障。虛空離虛空想。無有障礙。於阿耨多羅三藐三菩提。速成就故。於一切處。當爲明顯。爾時無所有菩薩。既爲如來教。請加持。及以智力。於多佛所。種善根。故能於般若波羅蜜中。無有疑惑。隱身不現。而無所著。欲爲攝化諸菩薩故。而復欲顯諸福德故。復爲著心。諸衆生等。爲取著覆。行在於相遠。善知識。爲惡知識之所攝。取諸菩薩輩。知一切法。皆不可得。欲令無著。欲令覺故。即以無量種種名華。或水。陸土。或金銀華。普散佛上。以精誠意。歡喜勝妙。無有缺減。今諸衆生。主歡喜。故讚歎世尊。以偈問曰。菩薩遊何處。何者是父母。住止於何處。何等爲眷屬。爾時世尊。即以偈頌報彼無所

無所有菩薩言勇猛空遊處般若母佛父佛塔而住處菩薩為眷屬遊六
波羅蜜菩提心父母三昧為住處諸福為眷屬爾時無所有菩薩從佛
世尊聞此偈已歡喜隨順復以偈頌問世尊曰善能說此言一切智無礙
隨喜於此言復問人中上以何為因緣用何方使智觸證於何法當覺智
云何爾時世尊以偈報彼無所有菩薩言勇猛菩提緣方便攝衆主證
諸法空已智者覺菩提爾時無所有菩薩聞此偈已歡喜隨順以偈稱
讚而復問曰善能說此言一切智無礙隨喜於此言復問人中上何故不
墮惡大熾可畏處捨一切惡處逮至於善處爾時世尊以偈報曰不造
一切罪是故捨惡處恒常為法行是故至善處爾時無所有菩薩聞此
偈已隨喜稱讚而復問曰善說此語言一切智無礙隨喜於此言復問人
中上云何彼多罪無智處造作一切能速滅盡滅無遺餘爾時世尊復
以偈頌報彼無所有菩薩言衆主求解脫此等願菩提菩提不得故諸罪
皆滅盡爾時無所有菩薩聞此偈已隨順歡喜復以偈頌而復問曰善
能說此言一切智無礙隨喜於此言復問人中上云何諸愛著流轉煩惱
苦成就菩提時皆盡無有餘爾時世尊以偈報曰常樂我淨處顛倒取
虛空如實真覺已渴愛皆當盡無我慢渴愛取等如虛空不住於內外彼

等無得處。爾時無所有菩薩。隨喜此偈。而復稱讚。以偈問曰。善能說此。言一切智無礙。隨喜於此言。復問人。中上當作何業已。彼種子云。何彼等。多有財恒常。無有盡。復能施一切捨施。無慳吝。身肉財頭等。彼皆悉能捨。爾時世尊問此。問已。為無所有。而為解釋。復說偈言。恒常於三寶供養。不疲倦。若復斷世間。彼智者供養。所發菩提心。為樂眾主故。彼荷擔菩提。為他說受用。一切一切智。為與眾主說。是故彼有財。一切時無盡。作如是業已。種如是子已。一切所生慶福。饒多有財。若廣若細。食飲已淨。如法若得新衣服。光他後自著。是故生主中。一切具足。勝不如用功力。而得無盡。財是故一切施捨。施無慳吝。身肉及與頭。彼等無不施。爾時無所有菩薩。聞此偈已。隨喜稱讚。復以偈問。善說此語言。諸智具足體。隨喜於此言。復問人。中上云。何離熱惱身口。及與意。云何有上色。無垢最清淨。爾時世尊復為敷演。而說偈言。受齋戒。無闕常說空。無缺知一切皆空。忍諸打罵辱。身口及與意。是故無熱惱。當得最上色。一切眾主愛。略說一切善語中。一切諸問。解釋中。彼等云。何堅精進。於一切處不違背。彼云。何得有諸泰。若在世間及出世。爾時世尊以偈報言。作事不怯弱。分別心行中。故精進及智。所土中常有。爾時無所有菩薩。復以偈頌問世尊曰。善說

此語言諸智具足體。隨喜於此言。復問人中上。彼云何有智世間中決定。彼云何有力。衆生無能伏。爾時世尊以偈報言。常聞諸佛法。不誹謗諸法。求諸巧方便。故彼有上智。五種味常施。施衆生無畏。是故彼有力。衆生無能伏。爾時無所有菩薩。以偈問曰。善說此語言。諸智具足體。隨喜於此言。復問人中上。彼云何勝色。於世間最上。云何得長壽。多百億數歲。爾時世尊以偈報言。若聞虛實。過不傳向他。說常讚歎。三寶名聞。至十方。不惱諸衆生。不隨喜殺者。是故得長壽。多百億數歲。爾時無所有菩薩。復以偈問於世尊曰。善說此語言。諸智具足體。隨喜於此言。復問人中上。云何得梵音。迦陵頻伽聲。若有得聞者。聞已得歡喜。爾時世尊以偈報曰。說法時讚歎。無復毀謗言。不破壞和合。是故得上音。護四種口過。常說利益言。自過能發露。是故得上音。螺鼓等音聲。和合衆妓樂。供養諸佛已。是故得上音。爾時無所有菩薩。以偈問曰。善說此語言。諸智具足體。隨喜於此言。復問人中上。云何彼身。腰而得於平正。所有諸眷屬。而得相隨順。爾時世尊以偈報言。毒藥及非藥。不與不教他。應病施湯藥。是故腹平正。善友及怨讐。平等於光明。於彼等心已。是故腹平正。所有衆生界。無有數量者。愛念如自身。是故腹平正。父母於一子。常起憐愍意。於衆生如

是故得腹平正。菩薩及父母。供養。不疲倦。是故彼眷屬。順如自身。世尊諸長宿。及有尊上者。若承事彼等。調柔心。謙下。是故彼眷屬。隨順如自身。彼無有分別。一切平等心。以四攝攝他。能攝多眾生。是故彼眷屬。當得如自身。教行諸善利。於不思眾生。是故彼眷屬。隨順如自身。和合菩提心。於不思眾生。是故彼眷屬。隨順如自身。彼等無不捨於諸眾生。所故彼眷屬。等隨順如自身。於諸眾生等。當共同一事。是故諸眾生。常共為眷屬。已所有愛物。能以施於他。不念失分別。是故多眷屬。爾時無所有。復以偈頌問世尊曰。善說此語言。諸智具足。體隨喜於此言。復問人中上云。何彼念淨。當有趣無邊。云。何彼樂法。亦不離正法。爾時世尊。以偈報曰。樂法者為說。夫法者。念念不惱於眾生。故彼正念行。爾時無所有。菩薩。復以偈問於世尊曰。善說此語言。諸智具足。體隨喜於此言。復問人中上云。何聞法已。常無有疑惑。若得五通已。云。何當不失。爾時世尊。以偈報言。令眾生無惑。最上佛法中。彼等聞無疑。當得不失通。爾時無所有。菩薩。復以偈頌問世尊曰。善說此語言。諸智具足。體隨喜於此言。復問人中上云。何諸菩薩。常在諸佛前。貪瞋一切種。亦不能降伏。云。何生煩惱。依何而對治。復能有慚愧。生已能寂靜。爾時世尊。以偈報言。恒常念諸佛。亦無有所

念不得於衆生。彼等言菩提是故名菩薩。恒常在佛前。亦不壞煩惱。亦不離諸佛。猶如智慧人。仰觀上虛空。於中無身心。彼無有別處。何時彼智人。觀有上虛空。彼時無餘念。若身若心中。如是復菩薩。彼於諸佛所。不動身心等。亦不違諸佛。無物妄分別。發起欲等患。無物不分別。是故不可破。有念現前生。無念故無障。捨已無實故。覺已此等捨。爾時無所有菩薩。復以偈頌問世尊曰。善說此語言。諸智具足體。隨喜於此言。復問人中上。何緣當化主。菩薩常有樂。諸佛說法時。主諸蓮華中。爾時世尊以偈報言。所有諸功德。主死中有樂。衆主於中主。教諸佛法中。所有波羅蜜。於中一切教。世間及出世。今覺一切法。一切諸法相。無相無持者。諸法如是住。於中教衆主。於空及無相。無主中亦然。世間無行處。於中教衆主。是故彼化主。菩薩常有樂。諸佛說法時。主諸蓮華中。如是修功德。菩薩不毀者。彼等不為難。諸樂不思議。修是功德已。無能毀菩薩。諸法中巧智。彼無所不知。於諸法自在。決定見無疑。為於衆主說。攝取衆主故。爾時無所有菩薩。聞此偈已。隨喜此言。稱歎世尊以偈問曰。善說此語言。諸智具足體。隨喜於此言。復問人中上。何緣婦人是。雙身為丈夫。端正人喜見。衆主皆愛樂。爾時世尊以偈報言。所有婦人念。婦人攀緣處。婦人歌詠聲。於彼不共

住。皆不喜見聞。不觸如毒器。遠離如毒蛇。常恐怖婦人。不觸於諸女。不勸
受女身。故轉女身故。彼見成男身。如是行行已。正住於此行。是故婦人見
即變身爲男。爾時無所有菩薩。聞說此已。隨喜此言。復以偈問。善說此
語言。諸智具足體。隨喜於此言。復問人中上。何緣衆生見。能發菩提心。而
得不退轉。乃至菩提座。爾時世尊。以偈報言。不說於小處。惟說勝菩提。
是故衆生見。即發菩提心。若少分所有。想行中衆苦。如實無有處。爲諸衆
生說。爾時無所有復以偈頌。問世尊曰。善說此語言。諸智具足體。隨喜
於此言。復問人中上。何緣見病者。於此發慈心。爾時世尊。復以偈報。觀
身是虛妄。於中無所著。此是世間樂。是故脫衆患。由此病者見。須臾得除
差。於彼起慈心。是故除諸患。爾時無所有菩薩。復問世尊。而說偈言。善
說此語言。諸智具足體。隨喜於此言。復問人中上。何緣衆生見。所有諸飢
渴。皆悉能除。愈飽滿。身充悅。爾時世尊。以偈報曰。常施多飲食。復爲說
上法。是故衆生見。飢虛自然滅。爾時無所有菩薩。復問世尊。以偈頌曰。
善說此語言。諸智具足體。隨喜於此言。復問人中上。何緣能離著斷滅。及
常著。彼於中邊中。亦復無依住。爾時世尊。以偈報言。不攀緣分別。超越
世語言。知諸法平等。彼得無染著。爾時無所有菩薩。復以偈頌。問世尊

曰。善說此語言。語智具足。體隨喜於此言。復問人中上。何緣見惡行。能縛
此世間。捨一切諸趣。能淨業思報。爾時世尊。以偈報曰。當近善知識。若
發善提心。是故離惡行。當淨於佛智。爾時無所有菩薩。復以偈問世
尊曰。善說此語言。諸智具足。體隨喜於此言。復問人中上。何緣想行智。一
切皆無有。真實空中法。彼當得無疑。何緣得辯才。能分別諸句。如於衆生
行如是。爲說法。云何四輪中。當得於彼住。彼不墮八難。當得此閑處。當取
何頭陀。當行何苦行。彼無有惡悔。又復無煩惱。爾時世尊。以偈報曰。衆
生著想行。說如陽焰義。覺空無我已。當解諸辯才。覺實衆勝義。彼當離八
難。當滿四種輪。菩薩善巧智。卽擲諸有得。不得上苦行。知自我空已。無復
有疑悔諸法。如虛空。知已不著世覺。顛倒義已。當成佛菩提。爾時無所
有菩薩。隨喜此言。復問世尊。以偈頌曰。善說此語言。諸智具足。體隨喜於
此言。復問人中上。聞已到閑處。當無所可住。云何發菩提。而名爲最上。爾
時世尊。復爲解釋。而說偈言。如是聞已發。發已而不住。彼上勝衆生。當行
勝菩提。若行如是行。彼無處可住。當速覺菩提。如人上射箭。此是三行說。
若當覺如實。如本性寂靜。彼不行菩提。若有爲聲中。所說於世間。一切聲
無故。當知不爲實。無實中無發行。亦不可得。若能如是知。彼行菩提行。無

行以行取。亦不淺開教。無所覺知已。彼行不可得。爾時無所有菩薩。以
獨問曰。善說此語言。諸智具足體。隨喜於此言。復問人。中上。何緣捨諸身。
當無一切苦。平等到諸界。當捨壽命行。若復右脇卧。若結跏趺坐。或復起立。
住。或復當合掌。說甚深法時。般若波羅蜜。一切諸佛法。不住寂諸法。或見
成佛時。或讚歎諸法。所有說諸法。定意於彼聽。當捨故身體。後主新身體。
從家至於家。主發菩提心。不迷調伏念。一念正住定。云何當捨命。當復現
神通。為我解此問。無邊智聚者。於中略當知。如調伏所說。所有諸功德。無
量不思議。一切勝具足。彼等當成就。教師為我說。如有實如相。若聞是功
德。一切當供養。當護十善已。無疑於空法。其四種梵行。一切皆成就。不得
於六根。及一切三界。一切得自在。所聞不主疑。所有有為法。當知皆如影。
應當如是知。其影無有為。無有為無影。無說無分別。無思無言說。無性無
有捉。無為無影中。無說無分別。無思無言中。無持戒破戒。無為無影中。無
說無分別。無思無言中。無諍無忍。無為無影中。無說無分別。無思無言中。無
中。無懈無精進。無為無影中。無說無分別。無思無言中。無亂無禪定。無為
無影中。無說無分別。無思無言中。無愚無智慧。於時無影已。更無有所見。
彼無所見已。故言為無影。亦非無有眼。其眼淨無垢。彼中無有物。無物目。

不見。清淨常無物。無名無清淨。如是淨眼者。清淨無所見。所有影無有。無有亦無有。其空於空中。於諸煩惱等。現無當亦無。若男若女二。今無當亦無。此等如虛空。無思無分別。若知如此者。彼無有所著。離諸身有住。當求諸佛法。如虛空無邊。彼無有可住。無住無攀緣。隨意去而去。如是摩訶薩。當覺此方便。不著於三界。當行菩提心。及與身口。常行為衆生。不知體空。虛猶如壓油輪。彼等見行時。不得於邊際。令住不動法。無所有住處。數數見衆生。受諸苦惱時。於彼起悲心。當行菩提行。為諸衆生說。如實真如相。汝等雖有為。應覺於真實。顛倒無智故。無牢起牢。惡無牢身體中。惡癡等味著。此身常日別。以飲食買贖。彼不為自他。虛妄受疲倦。常與受樂時。亦無念恩德。無思念羸弱。宜應速捨去。生死中受苦。處所無有邊。今亦不得。當亦不可得。主死中多欲。處所無有邊。今亦不可得。當亦不可得。主死受戲樂。處所無有邊。今亦不可得。當亦不可得。主死多受喜。處所無有邊。今亦不可得。當亦不可得。承事此身已。處所無有邊。今亦不可得。當亦不可得。主死流轉中。處所無有邊。今亦不可得。當亦不可得。主死中多睡。處所無有邊。今亦不可得。當亦不可得。今此身受苦。處所無有邊。今亦不可得。當亦不可得。今此身受樂。處所無有邊。今亦不可得。當亦不可得。

育於此身。處所無有邊。今亦不可得。當亦不可得。此身起我。所處所無有邊。今亦不可得。當亦不可得。受欲等流轉。處所無有邊。今亦不可得。當亦不可得。如無實無物。顛倒常欺誑。癡惑諸有為。如是誑癡世。猶如癡小兒。為他所欺誑。如是愚無智。以虛事所誑。無實誑。愚蒙。不知無實故。當受虛妄苦。癡意起。妄想。自然於自身。自然自合。苦猶如惡行。故後自受。刑首。心思已出言。身作非善事。其思無所有。言說亦無事。其聲無過去。過去亦復無。過去我何說。亦無有實相。若有如是知。身心如是觸。彼即戒行具。不生諸惡道。此等四種偈。習作十億數。往昔別生中。求勝苦提。故我聞此等偈。未曾墮惡道。當逢事諸佛。無量人中。雄我過去。次第值遇。然燈佛。彼時觸如是。於後我得記。我為衆生說。於彼住佛智。我無所可取。愚癡不受教。嗚呼衆生。鈍。盲。冥。癡。無智。能盡苦因緣。投之不肯欲。無智。不肯取樂。小法衆生。不取於大法。若得世間樂。及解脫。世間。當主世間。眼投彼而不取。得聞於此偈。若如是住。已於世無分別。我於世間中。寂靜無所著。當脫一切苦。而得不動樂。爾時衆中。有不調伏。怨望害人者。在彼衆中。從座而起。徧徧右邊。整衣。脉已作如是念。當以何事。供養世尊。其世尊者。具足法身。不可少物。而用供養。如是大德。具足法身。然我今者。於世間中。先有暗障。今

見世尊及無所有菩薩。所問世尊。解釋得聞法要。我已得於一切法中。無有障礙。已滅黑暗。照曜世間。我今自見已生天眼。已得五通。我今已得脫諸苦惱。我見自身所著衣服。皆有血汗。我於今者。若以此衣覆世尊上。惟恐不任。如來所受。願佛威神。令我更得勝物。奉施供養世尊。當用奉事。如是最勝大德。法身如此。衆土具足。難有是惡心。難調惡習。害人者。起如是願。欲信入佛。如來大德神通。念時。彼左手中。自然而有一蘆。天華柔軟。潤澤過於諸天。衆香自燒於右手中。上衣下衣。自然而生。歡喜踊躍。徧滿其身。更於諸佛大德神通。更求信入彼時。即見十方無量世界。諸佛皆放光明。爾時。彼復作如是念。嗚呼。諸佛不可思議。大德神通。不可稱量。無有等等願。諸衆生。信佛大德。自身觸已。皆得行願。即以上衣。及以下衣。而覆佛上。以彼天華。如是再三散於佛上。於虛空中。莖上葉下。而成華蓋。然後復主第二華。蘆亦主第二上衣下衣。彼復歡喜踊躍。無量遍滿其身。即作是念。若佛聽我。以此華散此無量佛。及以此等上衣下衣。覆諸佛上。願我生信。諸佛世尊。願勿令我。當有悔意。而不成施。則聞空中如是聲言。汝善男子。汝應普散此諸如來善男子。一切諸佛。同一法身。諸佛世尊。於諸法中。於諸物中。無嫉妬意。善男子。諸佛世尊。受用果報。於諸物中。無染著故。

彼作是念。今者世尊。已聽許我。即以諸華。及上下水。遶散無量諸佛。世尊見彼華衣。於諸佛上。在虛空中作蓋而住。及見彼衣。在諸佛前。即生愛樂。歡喜踴躍。四支投地。禮世尊足。臥世尊足。而為頂禮。彼復見身。頂禮諸佛。及釋迦牟尼佛時。彼諸世尊。及釋迦牟尼佛。皆以右手摩其頭。言起善男子。汝今已生無量福聚。彼則起已。惟見釋迦牟尼如來。彼則問言。世尊。彼等無量諸佛。世尊。今何所在。我不復見。佛言。善男子。此是諸佛大德法身。具足無所得故。汝今應信。彼作是念。嗚呼。諸佛不可思議。有如是已。見大法體。頂禮佛足。若遠三下。在一面住。合掌向佛。白言。世尊。我是惡心難調。怨讐殺害人者。唯然世尊。如我先作。令此眾知。世尊。我為此眾主等。故如是說。此等聞已。當起跋難。如是等惡。如先所有。毒害嚴熾。若諸眾主。有見我時。恐怖馳走。世尊。我於今朝。取合死者。千丈夫殺。齧壞彼項。即飲彼血。世尊。我時以人血。醉惡心更增。更求害人。然我求時。在王舍城。漸漸遊行。至東北分。于時我見王舍城中。有多人眾。遊行在路。我則背而在遠而住。恐彼見我。生怖迴還。世尊。時彼人眾。出王舍城。皆共往詣。毗富羅山。到已上山。我時復見。多有俱致。那由他。百千諸天。遍滿不得邊際。世尊。我於彼時。不見有一能於世尊。功德光明。眾相諸色。形貌長短。若寬廣等。能有勝。

者世尊我自見身。祇為卑賤。我於爾時。即於自身。生穢惡想。生輕弱想。不如物想。我於爾時。毀辱自身。我今無利。我今惡活。我於如是多人眾中。最為下賤。最為穢惡。最為不如。最為嚴嚴。世尊。我於爾時。狀惡自身。如是羞愧者。此大地容受我者。即使入中。唯然世尊。我於爾時。則聞空中。如是聲音。汝善男子。但信諸佛。大德法身。汝當得離此下類身。我於爾時。如是思惟。正念根中。念於諸佛。大德法身。如是念時。復聞虛空。如是聲音。善男子。汝當莫瞬。諦觀世尊。汝觀察時。即當得入諸佛體中。當信當得世尊。我於彼時。合掌不瞬。瞻仰世尊。即見世尊。諸毛孔中。出大蓮華。眾寶所成。有無量色。金色無邊。色諸蓮華等。大如車輪。從身中出。彼華臺中。皆有諸佛。如釋迦如來。諸相具足。皆於中生。徧滿虛空。無有眾主。能障礙者。於日光明。亦無能障世尊。我於彼時。即生最勝歡喜踴躍。此是諸佛神通之力。我於彼時。生清淨已。見佛世尊。如是觀時。即見所有諸世界中。無佛出處。即往彼間。而為說法。攝諸菩薩。無著無作。無有熱惱。空無所有。無言無說。無有所往。于彼時中。多有俱眠。那由他等。百千眾生。發菩提心。離顛倒法。信無言空。於多億劫。住菩提中。我如是知。亦不知晝。亦不知夜。不知半月。一月。年節。我如是知。於彼時中。我聞般若波羅蜜法。無染著處。無言無說。我於

彼時聞如是法。所有法相。無有染著。無有言說。聞是法已。不見自身。無知無得。亦無處所。當於彼時。有如來像。出現我前。於彼時聞。即自見身。及見諸佛。還復來入。於世尊身。不見世尊身。不見世尊身。有增減。不見世尊住處。有明闇。佛告彼言。汝善男子。此是彼等。諸佛如來。大神通力。彼難調者。而白佛言。唯然世尊。我今於佛。大神通力。更無有疑。我無疑故。見於無量諸菩薩等。身皆金色。有三十二大人之相。持諸音樂。種種香華。甚可悅樂。禮拜世尊。奉獻供養。以彼香華。散佛上已。聞無所有。所問法已。歡喜踴躍。遍滿其身。即自稱歎。欣慶而去。世尊。我於彼時。作如是念。此是諸佛神通之力。無有衆生。得邊際者。我於彼時。還入思惟。諸佛神通。思求此時。見此聽衆比丘。比丘尼。優婆塞。優婆夷。天龍。夜叉。乾闥婆。阿脩羅。緊那羅。摩睺羅伽等。一切大衆。而說偈言。無比知寂已。處所無染著。當脫一切苦。而得不動樂。世尊。我於彼時。復見彼諸聽法大衆。以天人華。及衆寶物。而散佛上。及諸菩薩。而聽法已。復更出生。種種音樂。雜色衣服。供養世尊。以諸水。祇覆世尊上。還坐本處。而共聽法。世尊。我於彼時。復作是念。嗚呼。諸佛神通。無礙思惟。信入隨順而行。世尊。我聞此說。無礙法聲。即入覺知。而說偈言。我覺寂靜時。無有障礙處。即脫一切苦。而得不動樂。世尊。我於彼